

Классика в школе и дома

Повесть о Петре и Февронии Муромских

Москва



2018

УДК 821.161.1
ББК 84(2Рос=Рус)-1
П42

Оформление серии *Ольги Горбовской*

Иллюстрации художника *Александра Храмцова*

П42 **Повесть о Петре и Февронии Муромских . —**
Москва : Эксмо, 2018. — 144 с. — (Классика в
школе).

ISBN 978-5-04-093886-5 (Классика в школе)
ISBN 978-5-04-093896-4 (Внеклассное чтение)

Древнерусские повести «Хождение за три
моря Афанасия Никитина», «Повесть о Петре и
Февронии Муромских» входят в обязательную
программу по литературе в 5, 7, 8-х классах.

УДК 821.161.1
ББК 84(2Рос=Рус)-1

ISBN 978-5-04-093886-5
ISBN 978-5-04-093896-4

© Панченко А.М., подготовка текста
и примечания, наследник, 2018
© Дмитриева Р.П., подготовка текста
и примечания, наследник, 2018
© Дмитриев Л.А., подготовка текста
и примечания, наследник, 2018
© Оформление. ООО «Издательство
«Эксмо», 2018

ПОВЕСТЬ О ПЕТРЕ И ФЕВРОНИИ МУРОМСКИХ

Повесть от жития святых новых чудотворец Муромских благоверного и преподобного и достохвалного князя Петра, нареченного во иноческом чину Давида, и супруги его благоверныя и преподобныя княгини Февронии, нареченныя во иноческом чину Ефросинии. Благослови, отче.

Се убо в Русийстей земли град, нарицаемый Муром. В нем же бе самодержавствуяи благоверный князь, яко поведаху¹, именем Павел. Искони же ненавидяи добра роду человеческому, диявол всели² неприязненаго летящаго змия к жене князя того на блуд. И являшеся ей яков же бе естеством, приходящим же людям являшеся

¹ как рассказывают.

² наслал.

своими мечты¹, яко же князь сам сядяше з женою своею. Теми же мечты многа времена преидоша, жена же сего не таяше, но поведате князю мужеву своему вся ключающаяся² ей, змий же неприязнивый осиле над нею.

Князь же мысляще, что змиеви сотворити, но недоумевашеся. И рече жене си: «Мыслю, жено, но недоумею, что сотворити неприязни тому. Смерть убо не вем³, каку нанесу на нь. Аще бо глаголет к тебе какова словеса, да вступиши его лестию и о сем: весть ли сей неприязнивый духом своим, от чего ему смерть хочет быти. Аще ли увеси⁴, нам поведаеши, свободишися не токмо в нынешнем веле злаго его дыхания и сипения и всего скаредия⁵, еже смрадно есть глаголати, но и в будущий век нелицемернаго судию Христа милостива себе сотвориши!»

Жена же мужа своего глагол в сердцы си твердо приимши, умысли во уме своем: «Добро тако быти».

¹ хитростями.

² случившееся.

³ не знаю.

⁴ узнаешь.

⁵ осквернения.

Во един же от днии неприязнивому тому змию прилетевшу к ней, она же добру память при сердцы имея, глагол лестию предлагает к неприязни той, глаголя многия иныя речи, и по сих с почитением воспросив его хваля, рече бо, яко «много веси¹, и веси ли кончину си², какова будет и от чего?» Он же неприязнивый прелестник прельщен добрым прелщением от верныя жены, яко непщева³ тайну к ней изреци, глаголя: «Смерть моя есть от Петрова плеча, от Агрикова же меча!»

Жена же, слышав такую речь, в сердци си твердо сохрани и по отшествии неприязниваго того поведи князю мужеву своему, яко же рекл есть змий. Князь же то слышав, недоумевая, что есть смерть от Петрова плеча и от Агрикова меча.

Имеяше же у себе приснаго брата, князя именем Петра. Во един же от днии призва его к себе и начат ему поведати змиевы речи, яко же рекл есть жене его. Князь же Петр слышав от брата своего, яко змий на-

¹ знаешь.

² свою.

³ *Здесь*: не думая, не предполагая.

рече тезоименита ему исходатая смерти своей, нача мыслити, не сумняся мужествене, како бы убити змия. Но и еще в нем беаше мысль, яко не ведый Агрикова меча.

Имеяше же обычай ходити по церквам уединяся. Се же вне града церковь в жень-стем монастыри Воздвижение честнаго и животворящаго креста. И прииде к ней един помолитися. Яви же ся ему отроча, глаголя: «Княже! Хощеши ли да покажу ти Агриков мечь?»

Он же хотя желание свое исполнити рече: «Да вижу, где есть!» Рече же отроча: «Иди вслед мене». И показа ему во олтарней стене межи камения скважню, в ней же лежаще мечь. Благоверный же князь Петр взял мечь той и прииде и поведи брату своему. И от того дни искаше подобна¹ времени да убьет змия.

По вся же дни ходя к брату своему и к сносе² своей на поклонение. Ключи же ся ему прийти во храмину ко брату своему. И в том же часе шед к сносе своей во храмину и виде брата своегоседаща у нея. И паки по-

¹ подходящего.

² снохе.

шед от нея, встрече некоего от предстоящих брату его и рече ему: «Изыдох бо от брата моего к сносе моей, брат же мой оста в своем храме. Мне же, не косневшу ни камо¹ же, вскоре пришедшу в храмину к сносе моей и не свем чюждуся², како брат мой напредь мене обретется в храмине у снохи моя?» Той же человек рече ему: «Никако же, господи, по твоём отшествии не изыде брат твой из своя храмины!»

Он же разуме быти пронырству лукаваго змия. И прииде к брату и рече ему: «Когда семо прииде? Аз бо от тебе изыдох, и нигде же ничесо же помедлив, приидох к жене твоей в храмину и видех тя с нею сидяща и почюдихся³, како напредь мене обретется. Приидох же паки семо, нигде же ничесо же помедлив, ты же, не вем како мя предтече⁴, напредь мене zde обретется». Он же рече: «Никако же, брате, из храма сего по твоём отшествии не изыдох и у жены своя никако же бе». Князь же Петр рече: «Се

¹ не задержавшись нигде.

² изумился.

³ подивился.

⁴ опередил.

есть, брате, пронырство лукаваго змия: да тобою ми ся кажет¹, аще не бых хотел убить его², яко непщюя тебе³ своего брата. Ныне убо, брате, отсюду никамо же иди, аз же тамо, иду братися со змием, да негли божиею помощию убьен будет лукавый змий сей».

И взем мечь, нарицаемый Агриков, и прииде в храмину к сносу своей, и виде змия зраком аки брата си, и твердо уверился, яко несть брат его, но прелестный змий, и удари его мечем. Змий же явился яков же быше естеством и нача трепетатися и бысть мертв и окропи блаженнаго князя Петра кровию своею. Он же от неприязнивыя тоя крови острупе, и язвы быша, и прииде на нь болезнь тяжка зело. И искаше во своем одержани⁴ от мног врачей исцеления, и ни от единого получи.

Слышав же, яко мнози суть врачеве в пределех Рязаньския земли, и повеле себе тамо вести, не бе бо сам мощен на кони седе-

¹ тобою мне показывается.

² чтобы не убил его.

³ предполагая в нем тебя.

⁴ княжестве.

ти от великия болезни. Привезен же бысть в пределы Рязаньския земли и послав синклит свой искати врачей.

Един же от предстоящих ему юноша уклонися в весь, нарицающуюся Ласково. И прииде к некоего дому вратом и не виде никого же; и вниде в дом и не бе кто бы его чюл; и вниде в храмину и зря видение чюдно: сядяше бо едина девица и ткаше красна¹, пред нею же скача заец.

И глаголя девица: «Нелепо есть быта дому без ушии и храму безо очию!» Юноша же тоя глагол не внят во ум, рече девици: «Где есть человек мужеска полу, иже zde живет?» Она же рече: «Отець мой и мати моя поидоша взаим² плаката, брат же мой иде чрез ноги в нави зрети».

Юноша же той не разуме глагол ея, дивляшеся, зря и слыша вещь подобну чюдеси и глагола к девици: «Внидох к тебе и вижу тя делающую и видех заецъ пред тобою скача и слышу от устну твоею глаголы странны некаки и сего не вем³, что глаголеши.

¹ холст, полотно.

² взаимы.

³ не понимаю.

Первое бо рече: «Нелепо есть быта дому без ушню и храму без очию». Про отца же твоего и мать рече, яко «идоша взаим плаката», брата же своего глаголя «чрез ноги в нави зрети». И ни единого слова от тебе разумех». Она же глагола ему: «Сего ли не разумееш! Прииде в дом сии и в храмину мою вниде и виде мя сидящу в простоте¹. Аще бы был в дому наю² пес и чюв ты к дому приходяща, лаял бы на ты: се бо есть дому уши. И аще бы было в храмине моей отроча и виде ты к храмине приходяща, сказало бы ми: се бо есть храму очи. А еже сказах ти про отца и мать и брата, яко отец мой и мати моя идоста взаим плаката — шли бо суть на погребение мертвого и тамо плачут, и егда же по них смерть приидет, инии по них учнут плакати: сей есть заимованный плачь. Про брата же ты глаголах, яко отец мой и брат мой древолазцы суть, в лесе бо мед от древня емлют. Брат же мой ныне на таковое дело иде, яко же лести на древо в высоту чрез ноги зрети к земли, мысля, абы не урватися с высоты. Аще ли кто урвется,

¹ неприбранной.

² нашем.

сей живота гоньзнет. Сего ради рех, яко иде
через ноги в нави зрети».

Глагола ей юноша: «Вижу тя девице мудру сушу. Повещь ми имя свое». Она же рече: «Имя ми есть Феврония». Той же юноша рече к ней: «Аз есмь муромскаго князя Петра служаи ему. Князь же мой имея болезнь тяжку и язвы. Оструплену бо бывшу ему от крови неприязниваго летящаго свирепаго змия, его же есть убил своею рукою. И в своем одержании искаше исцеления от мног врачей и ни от единого получи. Сего ради семо повеле себе привести, яко слыша zde многи врачеве. Но мы не вемы, како именуются, ни жилищ их вемы, да того ради вопрошаем о нею». Она же рече: «Аще бы кто требовал князя твоего себе, мог бы уврачевати». Юноша же рече: «Что убо глаголеши, еже кому требовати князя моего себе? Аще кто уврачует, то князь мой даст ему имения много. Но скажи ми имя врача того, кто есть и камо есть жилище его». Она же рече: «Да приведеш князя твоего семо. Аще будет мяхкосерд и смирен во ответех, да будет здрав!»

Юноша же той скоро возвратися ко князю своему и поведа ему все подробну, еже виде и

еже слыша от девицы. Благоверный же князь Петр рече: «Да везете мя, где есть девица».

И привезоша его в дом той, в нем же есть девица. И посла¹ к ней отрок своих, глаголя: «Повежь ми, девице, кто есть, хотя мя уврачевати? Да уврачует мя и возмет имения много». Она же не обинуясь² рече: «Аз есмь хотяи врачевати, но имения не требую от него прията. Имам же к нему слово таково: аще бо не имам быти супруга ему, не тебе ми есть³ врачевати его».

И пришед человек той, поведи князю своему, яко же рече девица. Князь же Петр яко не брегии⁴ словеси ея и помысли: «Како князю сущу древолазца дщи пояти себе жену?» И послав к ней рече: «Рцыте ей, что есть врачевство ея, да врачует. Аще ли уврачует, имам пояти ю себе жену!»

Пришедше же реша ей слово то. Она же взем сосудец мал, почерпе кисляжди⁵ своея и дунув на ню и рече: «Да учредят князю вашему баню и да помазует сим по телу свое-

¹ послал.

² без колебаний.

³ нет смысла мне.

⁴ не обратил внимания.

⁵ хлебной закваски.